



Compostela: Comunicado conjunto ante a repressom policial do 6-O

VARIAS ORGANIZACIONES :: 13/10/2024

Em um dia de açom internacional em apoio ao povo palestiano e em contra da política imperialista do Estado de Israel

No 6 de outubro vivíamos nas ruas de Compostela umha nova mobilizaçom a nível nacional inscrita em um dia de açom internacional em apoio ao povo palestiano e em contra da política imperialista do Estado de Israel, coas recentes escaladas militares no Líbano, na Síria e no Iemem. No remate do percorrido, um grupo de manifestantes dirigiu-se cara ao Burker King para denunciarem em umha açom nom violenta de BDS a cumplicidade desta empresa co genocídio sionista. Neste momento, a polícia espanhola entrou dentro do estabelecimento e, de maus modos, expulsou aes participantes na açom.

Já umha vez fora, quando a açom estava a ser desarticulada e sem provocaçom prévia, es polícias antimotim começaram a carregar contra dès manifestantes sem deixar avançar à gente e acurralando-a. Figérom um total de cinco detenções, nas quais as persoas detidas fôrom trasladadas em carros da polícia local até as dependências da nacional. Tudo isto acompanhado dumha brutalidade desmedida, mocadas e golpes fazendo que várias persoas tivesem que ir ao hospital.

Ante estes factos, diferentes organizações convocamos umha concentraçom de urgência diante da comissaria da polícia espanhola para exigir a liberdade dès detides. Durante esta resposta, os mercenários do Estado figérom quatro novas detenções das mesmas características.

Es nove companheiros, dès quais várias tivérom que ser trasladadas ao hospital por mor dos golpes recebidos, sendo libertades ao longo da noite. Imputam-lhes os delitos de atentado à autoridade e desordes públicas.

O movimento de BDS e a pressom internacional levou a diversas empresas a ter que dar marcha atrás aos acordos económicos coa entidade sionista. Neste contexto se materializa a açom levada a cabo ontem no Burguer King, ante a qual, o Estado espanhol tem demonstrado, umha vez mais, que garantir a acumulaçom de capital por parte da classe burguesa é a sua prioridade, por riba de respeitar a liberdade de expressom e mobilizaçom. A repressom generalizada a nível mundial contra a vaga de solidariedade coa causa palestiana mostra o medo que tem a burguesia internacional a que as luitas da classe trabalhadora traspassem os muros das fronteiras. Pois nós temo-lo claro, o povo palestiano e o povo galego estamos unidos contra a opressom. A luta do povo palestiano é a nossa luta!

Denunciamos a repressom empregada por parte da classe burguesa, neste caso a través do Estado espanhol e da sua polícia, como meio para acalarem o povo organizado. O mesmo Estado que mantem a compra de armas a Israel, depois de mais de um ano de genocídio que

alcança já mais de 40 000 assassinatos. O mesmo Estado que emprega o medo como arma política para evitar a mobilização da classe trabalhadora.

Assim mesmo, exigimos a responsabilidade política e policial dos graves factos acontecidos ontem. Demandamos que as polícias e os responsáveis políticos do operativo policial devidamente investigados, sancionados e julgados como consequência das detenções arbitrárias e as agressões que lesionaram aos manifestantes.

Reivindicamos a solidariedade internacionalista operária e dos povos e a auto-organização como único meio para fazermos frente à repressão.

Qualquer agressão sofrida em qualquer parte do mundo contra a nossa classe deve e será respondida. Na luta nenhuma está soe e que se lhe magoam a umhe, magoam-nos a todes!

Anticapitalistas Galiza

Ardora

Asemblea Internacionalista de Compostela

Assembleias Abertas Independentistas

BDS Galiza

Ceivar

CNT Ourense-Allariz

Creba Socialista

CS A Pedreira

Distribuidora Anarquista Polaris

Intifada Cultural GZ

MPI - Mocidade pola Independência

PCG-Partido Comunista de Galicia

Rede Galega pola Palestina

Seminario de Estudos Libertarios Galegos

Solidariedade Obreira

Tamborililás

Xuventude Comunista

https://www.lahaine.org/mm_ss_est_esp.php/compostela-comunicado-conjunto-ante-a